



吳遊紀略序



吳遊紀略者南海馮君石門之所作也君嘗別駕於吳之毘陵郡後報最僑寓於吳之山塘二年至是送其猶子正中赴選都門因再遊吳計其所歷山川都邑吟咏殆無虛日留題雖不專於吳而舟楫所極則止於吳故悉以吳遊統之也先是方氏莫朔東華昆季馮君之鄉友也悅吾吳而家焉予與方氏交頗厚而君又適際宦吳之日故嘗遇之勺湖園廬流連觴詠得接言論云然歲華荏苒屈

指二十餘載君旣往來粵壤予亦奔走四方間嘗
追維往事私念勺湖兄弟墓草久宿况在其家所
嘗往來之朋思之不啻夢寐苟非斯集見寄夫孰
知君之猶眷眷於吳又因吳而并及于予也哉從
來留心于吏治者則不能寄情于翰墨以簿書錢
穀日擾于胸而不能及也馮君筮仕以來皆非閒
曹而詩學日進展卷之下諸體各臻其妙令人讀
之不忍去口於是不特佩服馮君學問爲不可及
而且嘆服馮君作吏而詩能巔峰造極爲更不可

及抑吾聞馮君不第宦於吳也又嘗以宦遊入秦
入閩入黔山水經歷幾遍天下而君之所思獨有
依依不釋于吾吳者故所經行五千餘里而止以
吳遊統之也若予者生長吳而遠宦京國於故
鄉山水徒深想像讀馮君詩不勝有羨焉故樂爲
之序

乾隆八年歲在癸亥孟夏長洲同學弟沈德潛拜
題

白蘭堂吳遊紀畧



嶺海馮公亮石門氏



二月十八日自汾江解纜

舟上姑蘇二月中汾江碧漲杏花紅榜人不解離
鄉意催客乘潮趁順風

將之江南示漢槐灼堯鈞五兒

羣穉牽衣別揚舲吳越間不將依膝意來減壯夫
顏溲暑予當返從師汝勿閒舟車遊涉慣莫慮客
途艱

放歌行留別社中諸子

丈夫萬卷行萬里安能鬱鬱守故壘我胸檢點無
縹緲我心反饒山水美宦遊積歲二十年五嶽三
湘縱杖履此身不繫如浮雲山巔水涯隨所止今
朝又挂吳越帆鳴榔軋軋汾江始兒女牽衣心盤
紆友生執袂情更多憶昔開社澣翠軒與溢南皮
晉可比自冬徂春不聞吟蘭膏相繼扶桑晷雨色
泥濘亦追趨欣快纏絲無我爾遠方羣俊兼旗賢
歷歷韻事真堪擬有人苦搜句未成托腮搖戰兩

股髀有人榻起繞堦哦回睡被人占襍裏有人登
樓誇奇華墜梯卧地吟不已有人傳柑互噓談醉
眼模糊錯倒屣又有白髮蒙茸覆額垂形似獼猴
盤石几升天撲地思飛揚誓壓朋儕逞長技更有
左手搔疥右拈毫據案俄然塗滿紙昂頭仰天呼
不聞自稱神異亂舞指余也潦倒藉薰陶漏盡吟
成相爭視環誦喧聲驚四隣羣推主壇慚挂齒何
期復鼓滄江橈梁園興斷散諸子瓊琅詞賦續夢
魂款洽音書傳尺鯉畫舫滿江送我行梨花門巷

青煙起未登程途先問歸握手踟躕暮山紫我去
衆留慘中腸再三話別繁陰泣欲去不去榜人催
綠波碧草悵懷矣

留別陳天草

燕子翩翩繞碧桃岐亭握手悵春濤一生知己惟
君在半世飄蓬惜我勞辭驛飛花趨掉去出雲征
鳥避檣高開尊未盡盈觴話離思猶夷結石皋

留別李葆光

相逢正素秋今日轉離憂柳暗三春雨帆開五兩

舟壯遊恣眺嘯老別倍綢繆執手汾江水情凝似
不流

與弟彤文別

詰旦振衣起春風背戚里仰睇雙燕離呢喃花萼
裏兩地情鬱紆整翮做行李片帆粵國揚危檣吳
會指綠萍點桂橈朱霞媚溪水玉醕傾葡萄祖悵
面紅紫蘆渚飛素鴻荊株棲錦雉迴瞰浮雲征繚
繞若遊子瀾漫旅滄湄何日款容止珍重持春華
音塵寄雙鯉岐言雖已畢別緒未云已

舟次胥江

平明沙口出胥水夕煙微汀杏紅千點春山翠一
圍子規啼雨去鸛鶴挾雲歸試問當壚者相如曾
否希

泊迴岐

晚泊迴岐石瀨平春林沃若暮霞明縈懷最是江
中燕猶作呢喃畫棟聲

登飛來寺步東坡先生原韻

纒舟上石磴古寺蹲峽灣千峯入胸臆萬象陶襟

顏縱我跌宕興夕暝不知還風籟响相荅僧入雲
閉關仙源澣瀑水榕幄蔭禺山昌期契夙好抗手
青冥間飲我沆瀣醞流觴九曲環洞猿何多事嬾
婉媚雲鬢

遊中宿峽

峭嶠飛來瞰澄江中流洶洶飛湍瀧峽山氣勢何
雄壯對峙相當不相降巋然崿岬削兩壁千仞去
天不盈尺南禺北禺相勾連七十餘峰瀉空碧我
來停掉蒼厓頭終朝遊衍忘歸舟山暉堂上桃如

吳道系四
爛和光洞口翠欲流
摳衣直抵流香塢
山光雲氣
浹眉宇
小憩層榭
延清歡
寂靜始知劬動苦
須臾
更尋仙源前瀑布
淋漓聲涓涓
古人撫琴手拂拭
何如朝朝暮暮到此
耳聆冰絲絃
捫葛窮搜阮俞
逕截竹爲笛
續餘興
恍惚鸞鳳鳴
高岡縹緲清音
樓上天樂
咿嚶真堪聽
猥以迂狂斥鷃姿
何幸遍
遊靈輿
芳春時恨不生於軒轅
見二子
瑤函雲笈
相追隨
絕塵囂
舒懷抱
出樊籠
採芝草
逍遙服食
卧雲窩
幽棲中宿
千秋萬古後
天老

度瀘陽峽

牽索沿厓上
崎嶇路糾紛
溪光爭野燒
峽勢礙行
雲灘石風相戰
岩花種不分
樓船人已往
功畧至今聞

香爐峽寄侄壻陳祝三

前有中宿後瀘陽
香爐之峽懸中央
可是秦漢博
山鼎高峯紅綠恰
如丹砂翡翠揚
光芒憶昔送我
汾江上
汾江月滿汾潮長
杏影梨光交相輝
吳山
粵水兩遐想
疇素愛汝心不欺
人淳語直肝胆披

吳道系
文章詩賦行奇麗但當琢磨去痼疵丈夫際遇時
自洽掣鰲騎鯨舒鱗甲載陽之日春華滋火候熟
時陸離閃爍不可壓勗矣哉志母狹君不見香爐
峽

釣魚臺

金鯉難期佐酒卮晴川瀼瀼柳枝垂誰人痴釣磯
前坐雲蓋鬚眉總不知

題望夫石

年年獨立望長空腸斷天涯杳素鴻枯眼雨飄常

隋淚深愁禽至代傳哀岩生積蘚裙連翠風捲飛
花髻入紅情思纏絲如日月循環今古幾時窮

瀧頭水

瀧江春已滿蕩槳落花前巉岼波中起菁蔥雲外
連龍頭流激濫鱉背動洄漩且喜同吟子高歌共
濟川

度彈子磯

洞門如彈翠煙蒙絕壁開舠騁望通叢薄倒垂千
仞上嵯峨屹立半空中鶴聲時度斜陽水蘿帶閒

牽出岫風曾憶驅馳西陝日此身如入太華同

次韶州

曲江今又泊放跡似遊鱗去國未千里移舟已一
旬溪桃紅漸歇畦黍綠初勻灘溜聲相應聞韶在
此辰

謁張文獻公祠

清旦肅冠帶維舟薦藻蘋詩詞開後代風度憶前
臣棟楠雲光麗堦除草色新千秋金鑑在宇宙未
云湮

度梅嶺

噫嘻哉陡然平地碣礧削出青芙蓉萬古與天為
徒聳穹窿俄然雲間蜿蜒流來碧玉帶晝夜穿厓
瀉壑响萬籟我來嶺上娛春暉忘疲步趾躡雲飛
手攜生徒後猶子翠草紅葩方葑菲松聲瀑聲相
競角洋洋入耳鈞天樂梵宇凌霄蹲層阿秦碑漢
碣仆山嶽老梅千株排如峯滿身鱗甲斑駁封飽
將天地精華養靈異年年馥郁寒香開遍冰霜客
白猿洞口流紫霧羽客錯踪山妖度更有商賈肩

扛人攘攘爭朝復爭暮步上嶠頂丹霄間茫無津
岸水與山四極八區在眉睫三湘五嶽開心顏仰
瞰翔鷗橫天翼俯指浮鯨出海力才子瓊瑤篇什
無人知何不攜來絕壁就正山靈舒曾臆山店貰
酒陶歡娛拍手挪揄仰天呼酣醉狂歌鸚鵡舞東
嶠無乃神靈區壯齡捧檄鞭屢著山色亭榭宛如
昨玄鬢已改猶驅馳光陰如箭成醜惡功名竹帛
不由人何如歸去養天真讀書射虎南山側無令
大庾小庾笑人鞅掌風塵羈終身

梅關題壁

嵯峨關勢壯南疆疊水層山春望長歸雁有情隨
客去空山無事落花忙地交陸海奔名利嶺界東
西異燠涼鞅掌半生應自笑虬髯多染路傍霜

抵南安登舟

水盡山來又水邊間關始抵大庾前竹輿嘔啞初
翻嶺蘭棹猶夷再換船重澗林光栖午日凌霄塔
影動流泉閉門不作春遊客邾識前途別有天

下南安諸險灘口占

牛子黃龍又狗腸灘灘相接到南康舟中跌坐塵
機息笑爾奔波日夕忙

二

一息千川不暫留乘舟如騁紫驂騶高歌擊節豈
無侶和我灘聲日結儔

漁板

清江渺迴寂鳴板水潏潏得失原歸數聲聞總在
人林煙盤宿翼星斗動潛鱗空笑營謀者勞勞結
網綸

溪桃

春光何豔冶紅印一溪痕性樸應相笑愁多似不
言波紋時欲奪霞影日來渾何料同漁父扁舟再
問源

次南康

晝夕背家去奔流不暫違三人名山獨契九日名山
夢初歸花豔蜂趨飽天長鳥倦飛危灘舟未泊雉

堞落餘暉

水車

吳道系
九
嘔啞聲盈野縱橫畝滿潮下流趨上達東長慮西
消智力彌天地循環貫旦宵不須憂雨澤含秀見
塲苗

蒲帆

矯矯去無際蒲帆百幅宜勢飛雲斷續影落水參
差舒卷雖由力行藏在合時如何故鄉月夜夜挂
檣隨

上巳日次上猶江口

九十九曲上猶水三月三日沙棠舟恨不招攜同

社子賦詩爛醉蘭亭甌

二

子規啼罷杏風前玉洞流來曲曲泉我欲隨時修
楔事扁舟辜負艷陽天

次贛州

明發南城下飛花送客舟房山如玉立貢水合章
流野燒移蒼谷吟聲起白鷗自來肝胆壯履險不
知愁

下十八灘作

吳道系
貢水章水何離奇兩兩環抱交淋瀝千江萬派浩
杳渺晝夜奔瀉無窮期巨石參錯堆滿海小礫紛
糾排礮磊形狀昂藏古丈夫一身明光耀鍤鎧又
如倣儻梗概臣懷瑾抱瑜據要津天柱白澗連平
步魑魅魍魎胡可陳崑崙灘至惶恐上羅列棋布
更萬象猩鼯螭虎騰濤蛟遍江刀劍碧玉杖激石
迅湍水四飛雪花吼出走珠璣七彩隋珠秦庭璧
波面顆顆交相輝下灘如矢頃千里船頭飲水尾
豎起上灘逆流尺寸移朝暮迴環一山裏人生安

能盡順流倒浪迴濤日不休平地險惡三千丈苦
海茫茫心如舟提刀截水水兩斷舉斧斫石石分
判深漩緊浪作無由平途坦坦登彼岸我遊吳會
凌奔瀧片槳飛走玻璃江胸羅磊隗難銷酒日夕
吟到濤聲降

出十八灘作

十八危灘鼓棹前衆灘碁布自相連山禽歷亂難
分類瀧水奔騰易下船弓月離家絃再上春楊客
路日三眠痴迷詩酒人忘險回顧方知出百川

次百家村

和風輯輯衆芳齊接屋連牆遶一溪草堰綠勻村
豕卧柳堤翠覆午雞啼波心水暖魚翻日竹宇春
忙燕吐泥從此安流江甸去權謳隨意泊林西

蜀口州

蜀口真如灩澦堆狂瀾百轉日漩洄長空一鶴苔
清嘯人似瞿塘三峽來

清水岩

朝鼓巔江漿沿流乘泝養眷茲清水岩纒舟緬幽

賞厓泉飛冰絲林籟接靈響洞口閉蘿萋隨風縱
佚蕩中含冷翠區碧淵深無象魴鱖千百頭鱖鱖
魚貫上妙契散心顏終朝憺忘往安能謝塵氛窮
年恣偃仰去帆揚春風夢寐猶欣暢

仙槎港得大鰕魚

長河漲滿水瀾漫艇繫槐陰下釣竿無意得魚三
尺許玉壺傾佐水晶盤

經文丞相墓

芳草滿孤塋維舟恨未平逃閩知義往絕粒見仁

成燕市忠魂烈崖山天意傾先生千古在埋骨不埋名

螺子山

暮泊花石潭晨經朝霞閣有若飛蓬根何啻征雲
鶴天地六合曠無垠吾儕胸臆貴恢廓洪波吞天
可放舟魚遊鳥飛可娛樂何能鬱鬱伏茅茨寸步
屈詰縮如蠖不羨五鼎餐不求三孤爵雕盤綺食
令癡肥腰金首翠坐羈縛一朝病請捐佩簪五柳
門前無愧怍蕩我青雀舟逍遙厓與壑攜侶蓬底

酒及詩清醕瑤篇相酌酢醉興豪呼鄰舟驚吟成
敲琢星斗落聯羣又到螺山巔置身如在清虛郭
紫芝翠菌參差生沿巖採就雲生脚咄哉漁人嗤
故將螺奪掠神物安肯長相依漁人懷袖螺飛躍
嗟彼世間貪痴人母貽螺子羞鄙惡

雪浪閣

仙楹幽構隱林叢吉水洄洄遶幾重搦筆欲題巴
俚句不知先我有詩翁

登中華山

鼓柁吉陽灘中華寄高矚中華何嗟峨上與雲宵
屬千嶂拱翠環一峯聳碧玉巒頂如懸鐘靈光若
照燭高榭嵌蒼穹層雲夾飛鵠文江吉字流鑑湖
羣鸛浴林麓飛遠梳風篁藏朝旭杜鵑初破紅楊
柳齊舒綠彌起繾綣情矧多靈異躅仙侶儻可接
卜隣屏塵俗永日延清歡幽契結心曲

次峽江

涇陽曾度峽又度峽江津流水東如箭欹松懶似
人海程遊子舊春色故鄉新柳塢鶯啼處幾忘畫

扁身

泊長牌村

沙澳且停棹荒村蔽夕霏夜蛾舫際入孤鶴斗邊
飛蝶螭環河出樵夫肩月歸天涯踪跡遍屈指昔
全非

橫梁阻雨

橫梁溪上泊湓雨阻無端蜂蝶舟同困詩棋人共
歡瀧濤互起伏昏旦異炎寒世事何須歎由來行
路難

次臨江口

檢點遊情數月間塵機不擾日開顏滌洄溪水碧
於染雲自相羊人自閒

二

耳目乘流接應忙千峰競秀百花芳水窮嶼盡疑
迷向林出前均途又長

泊樟樹鎮

郊廛營逐日無虛賈舶續紛海不餘藥市可能醫
沈約酒壚未必有相如投林鶴鷁聲呼雨出浪鷗

鷄口夾魚船裏莫愁彈缺苦肥鮮飲到斗星疎

遊豐城曲池

駕言曲池游乘槎豐城縣月存一邊形潭分三素
練冷煙含華滋暮氣浮蔥蒨春花金桂香江心玉
兔見詎乏庾亮情彌深張騫眷永夕相纏繇中宵
縱游行彷彿通明宮容與廣寒殿延佇月中人徙
倚月中甸霓裳羞全身團扇掩半面

賦得豐城劍寄懷內弟吳子聽

君不見豐城太阿龍泉劍埋藏塵土殊微賤又不

見兩龍跳躍波濤間一朝變化人健羨由來靈物
養晦時身無鱗甲光芒斂乘時雲從騰丹霄雄風
豪雨滋邦甸君今畜就璫璣懷棘圍困躡愁宛轉
匣裏咄咄鳴中宵紫氣煒燿牛斗見磊砢胸當濁
酒澆縱志歡娛莫滯念終當化去凌穹窿時來豈
少雷煥薦當時汾江送我行鮑吟柳楷書便面至
今征邁蒼江湄兩地情懷懸一扇一劍襄城一延
平兩劍分飛何日見

生米潭

來往驟雲虹仙凡路不同漁郎痴躡趾暮閉水晶
宮

二

潭口即蓬萊人回意未回莫嗟門外漢曾訪巨靈
來

登滕王閣

滕王峻閣章江旁河中之水流湯湯長鯨吻濡海
波動飛鷗嘈噴天風翔鶴嶺檀欒積翠結松門石
鏡懸清光春燕翩翩朱甍上綺雲迴薄碧檻長林

幄深垂天寶洞虹梁斜架鄱陽江憶昔元嬰封王
日繁華不讓銅雀強玉簫金管歌綉戶燕娥趙女
舞璇廊波流激灑臙脂水臺遶斷續蘭麝香珍羞
綺席醉醇醑芙蓉羽帳瑣鴛央滕王去世千餘紀
空遺孤閣煙霧裏啼鶯猶作笙簧聲明月仍如團
扇起梨花滿谷冰容清楊柳臨風腰肢美我來遐
眺艷陽時春江碧浪情徒倚沽酒大醉海天空不
知此時身遠邇仰首高吟王勃詞秋水長天稱妙
技詞懸阿閣詞恒存閣賴麗詞閣不圯昔年榮華

安在哉惟有瑤篇挂人齒

望鄱陽湖

傾望極霄漢茫無津岸沿千帆雲靄集一色海天
聯酒薄降隆思愁多失夜眠緘書頻動問或有廣
州船

次銅口灘

山水清輝日夕佳龍從古木更舒懷千年不死蒼
根在半浸青潯半繞厓

二

水鄉妙處迥非同村落條柯共一叢三月繁華春
盡力滿畦黃接滿岩紅

次安仁縣

汀曲青陽滿垂楊拂去舟山城林藪出亭榭畫圖
浮波樹隨高下沙鷗任去留誰人吹鐵笛聲徹碧
雲頭

遊貴溪仙巖

沿流弭櫂搜仙鄉林樾垂陰覆洞旁百狀玲瓏陳
雅具千形飛躍列成行叩門自是螭鸞騎羣飲應

多沆瀣漿二十四岩心契結可能借息一璇房

弋陽寶峰山

延首寶峰山面遊步未陟亭從紫虛懸峰向蒼冥
逼蜿蜒巨石橋淙潏浮瀾瀾斷虹長坂拖初暎密
林匿松身長老圍竹尖抽嫩力猿挂青籐梢鹿盤
白雲側緬邈幽括區矧非紛華域彌起淡宕情忘
茲旅遊臆瞻彼別鶴孤皎潔垂羽翼獨立照清流
形影兩相得

泊黃沙港

客起長宵半空江渺四暝此時坐海月長照數峰
青途遠積辰暮篷開插斗星蛙聲與風籟夜夜枕
中聆

自葉青洲至沙溪亭榭村落山水松竹宛若

圖畫率爾成咏

夙齡慕山水踪跡岩泉裏解佩臨清流仙靈識舊

侶

二

亭榭儼仙院厓陰泉若練竹風掃亂雲洞口流花

片

三

高構基巒石垂楊覆釣濱不須攜玉管日作畫中
人

四

微月起山楹乘流月上行日遊情未盡夜色續餘
程

捨舟度常玉山

風泛林條翠氣含鶯啼竹塢燕呢喃迢迢修嶺曾

吳道烈明
經二汎汎扁舟又換三關路中分豫越地春途半
阻鴈魚函光陰奄冉成何事念載塵纓只自慙

四月一日次衢州

林鳥辭春歷亂呼正陽清氣遍城隅綠催楊柳初
離粵紅點櫻桃始到衢八洞室中丹似棗九龍山
外海如圖隄邊覓得蘭谿酒助我今宵巨口鱸

登八詠樓

城南登眺日林薄藹華滋詩契平生素樓驚絕代
奇長河胸內注艷思病中痴余亦弄篇翰斯人曠

世期

度蘭溪諸灘

海驛鳴金送去程柔荑搖翠紫霞明山光水色交
相媚日日舫邊娛客情

二

萬綠扶疎夏色新清漪蕩漾石磷磷何期放縱隨
舟去得謝塵囂吟過春

釣魚臺謁嚴子陵先生

菡萏春芳殘清和夏氣轉林薄振長風蘭杜被微

霏仰瞻釣魚臺
曄曄爍金電
俯瞰客星亭
皦皦流
玉練桂棹納翠煙
綺窗穿紫燕
帝子握寶符
故人持釣線
豈無圭爵隆
其如岩壑戀
玄纁以三迎
安車始一面
交情足腹加
天象星宿變
長揖謝明廷
淪迹終野甸
詎知天子尊
不若匹夫賤
襤襜無拘羈
纓冕何足羨
亮也歷風塵
下吏幾忘倦
病請棄綬
歸羅浮
寄繾綣
始知斯道高
曷爲浮名眷
緬然遺教光
休哉富春彦
清操雪六花
高風雲一片
千秋人代湮
百世羹牆見

度錢塘

晨發錢塘口
微陽海底明
鴉流波樹宿
潮逐櫂歌聲
詩向青山起
心從碧落生
誰家楊柳絮
絮飛滿一船情

遊西湖

天宇寥泬
光芒冒湖水
涵虛漣漪濺
天象湖象相
拘牽上下
清華融一片
彷徨四顧
身心孤不知
在天還在湖
歷歷翠光眩
人目曉粧西子
可似無峰雲
眞贋難辨色
臺榭榆槐相間植
濯髮仰天頻嗟

吁鶴亭飛出林逋翼涵碧橋邊泛朝暎浮蘿林霏
互鈎渾分明一幅洪谷圖輕點濃抹清心魂薄午
扣舷蘇堤上柳線牽風縱佚蕩媚水芙蓉未著花
風流太守追遺想試茗且煎六一泉清甘如飴相
纏絲黃鶯饒舌柏堂出大魚跳躍龍井邊雙塔突
兀指霄漢六橋彎環飛鷓鴣榜歌山背款乃來半
搖半唱不聯貫濃陰深處酒旗揚金尊瀉出蘭陵
香玉繩高挂四照閣夕昏沉湎十千觴昔年解兵
曾遊越今宵續見湖心月湖心猶識舊樂天青絲

已悲潘椽髮人生歡娛當及時鳳管鵝笙倒接羅
莫令白駒嗟過隙栖霞桃花笑人痴

次杭州

兩月徭征度險瀧安流今始水無淙朝吟暮嘔人
千里紫燕青蒲日一江壩水朱樓飛綵蝶吳山翠
靄滿篷窗越王歌舞今何在風土繁華勝舊邦

泊嘉興

客子春遊換袂衣飄飄柳絮不停飛青畦雨過桑
圍茂綠浦潮平鴨陣歸三塔煙霏藏古寺滿船釵

吳道紀略
三
靚泛斜暉吳王昔日風流甚橋李城中夜醉妃

度寶帶橋

五十三環拱長紆束要垠波流一氣貫河截兩邊
分响沫魚吹日追羣鶴入雲吳城登岸近征侶共
言欣

四月八日抵蘇州

壯齡待罪毘陵郡往返吳門歲月忙醜老已非前
度貌侈華不改故時疆牡丹著意驚人態僧寺邀
嘗浴佛湯行盡輿圖渾不覺憶來始識寓山塘

姑蘇雜咏

四直三橫亞字城萬家風月管絃聲館娃宮女今
何在一曲梁州無限情

二

白鶴年年舞市衢似悲勝玉在平湖此身應化芙
蓉貌滴淚猶餘荷葉珠

三

刻木蟠龍厭越兵稜威振盪越人驚越人不用施
奇策只饋柔兵吳沼成

四

五人節槩古今奇
歿有餘榮繫墓碑
誰信市廛任俠子
千秋能作士夫規

五

罌粟開來梅子黃
竹雞啼罷夏風涼
市中物產殷充甚
錯認他鄉是故鄉

六

首夏條柯綠
浦勻閒行衣惹落花塵
逍遙更出胥門上
徙倚難忘抉目人

七

夜唱吳趨到曙星
雕盤綺食惠泉醺
賣花聲度皋橋上
綠樹人家尚未醒

八

灣環九曲闔閭開
萬笏峰林識故臺
蝴蝶尋芳園亂出
牡丹濃放客初來

九

賽會遊人堤上奔
虎邱艷粉擁黃昏
步歸剩有梅花跡
疑是當年響屐痕

十

入饌鮭魚興倍長
櫻桃熟薦玉盤光
故園此際饒佳品
紫鱉新菱荔子香

十一

屢客吳門麋鹿臺
今宵恰似夢初回
人家何處燒沉速
夜半香風薦枕來

十二

詩人羣集木蘭前
風雅追維刺史賢
誰識遊吳狂誕客
倚欄日夕續餘篇

邀鄉友宴集舟中觀劇

虎邱今又到笙管
夜紛紛舞向當舫
月歌隨度水雲笑
談忘異土杯酒聚
同羣泛泛堤邊去
釣天兩岸聞

姑蘇送侄邦直赴選都門予亦解纜歸里臨岐悵然成咏

背鄉兩月餘提挈
萬里道詩歌相獻
酬山川共幽討慰
誨不知疲敦篤亦
云好汝去北燕京
余歸南海堡臨岐
識別愁中道傷懷
抱緬然幼穉孤啣
悲

吳遊紀略
在襁褓顧復鞠育恩厥躬乃祖保而我宦遠疆馳
念多懊惱今朝列簪纓中腸庶傾倒乖別闔閭門
灑淚被芳草去矣勿躊躇音塵願言早徭役彌加
餐寒暄須慎襖夷簡慰相期壯圖以為寶勿效予
疎慵軼軻成醜老

閏四月二日買舟歸里

來時春仲扣征蓬梨花未白桃初紅倏忽筍脫琅
玕玉密葉流翠吳門中齊雲樓洒黃梅雨消夏灣
吹綠麥風人生百年內光陰過隙同春去夏又及

會少別忽忽安能撇却戚里馳騫去四維八埏隨
風不住如飛蓬歸去來路修迴灘泉清聊試茗山
水詩情相結融吟罷新詩眺四暝此來何物娛心
魂載得牙籤書一艇曰歸深閉關不與流俗並縹
緗見古人相期古人等絨書先寄鏡橋僧為我築
掃羅浮頂

吳遊紀略

史記

卷之三

上海圖書館藏

